



Број/Број: 01/6-50-1-8-19/09

Сарајево/Сарајево, 2.11.2009.

ZAPISNIK

19. sjednice Komisije za ostvarivanje ravnopravnosti spolova, održane 2. 11. 2009. godine

Sjednici Komisije za ostvarivanje ravnopravnosti spolova, održanoj 2.11.2009., prisustvovali su članovi: Mirjana Malić, Remzija Kadrić, Savo Erić, Jozo Križanović i Rifat Dolić.

Sjednici je prisustvovala i poslanik Vesna Šain, direktorica Agencije za ravnopravnost spolova BiH Samra Filipović Hadžabić, te sekretar Komisije Davorin Semenik.

S obzirom da sjednici nije prisustvovao predsjedavajući Vinko Zorić, odlučeno je da sjednicu vodi Mirjana Malić.

Vesna Šain informirala je prisutne da je Klub poslanika SNSD-a nju odredio da u ovoj komisiji zamijeni pok. Jovana Todorovića, te da će prisustvovati sjednici bez učešća u njenom radu, a da će ovaj klub poslanika podnijeti prijedlog Predstavničkom domu za njeno imenovanje za člana Komisije.

Nakon toga za sjednicu je usvojen sljedeći

DNEVNI RED

1. Usvajanje Zapisnika 18. sjednice Komisije;
2. Prijedlog zakona o izmjenama i dopunama Zakona o ravnopravnosti spolova BiH, predlagač: Vijeće ministara BiH – druga faza, rasprava i usvajanje izvještaja o Zakonu;
3. Razmatranje Godišnjeg izvještaja Vijeća ministara BiH o statusu spolova u BiH za 2008. godinu – nastavak rasprave na osnovu zaključka sa 18. sjednice Komisije;
4. Ostala pitanja.

Ad. 1. Usvajanje Zapisnika 18. sjednice Komisije

Zapisnik 18. sjednice Komisije usvojen je jednoglasno, bez primjedbi.

Ad. 2. Prijedlog zakona o izmjenama i dopunama Zakona o ravnopravnosti spolova BiH, predlagač: Vijeće ministara BiH – druga faza, rasprava i usvajanje izvještaja o Zakonu

Kako nije bilo amandmana na Prijedlog zakona, članovi Komisije su nakon kraće rasprave jednoglasno usvojili sljedeći

IZVJEŠTAJ

o Prijedlogu zakona o izmjenama i dopunama Zakona o ravnopravnosti spolova BiH

Predstavnički dom Parlamentarne skupštine BiH je na 62. sjednici, održanoj 14. 10. 2009., usvojio Prijedlog zakona o izmjenama i dopunama Zakona o ravnopravnosti spolova BiH u prvom čitanju.

Komisija za ostvarivanje ravnopravnosti spolova je na 19. sjednici, održanoj 2. 11. 2009., razmatrala navedeni Prijedlog zakona u prisustvu predlagača.

Na Prijedlog zakona nije bilo podnesenih amandmana.

Komisija za ostvarivanje ravnopravnosti spolova jednoglasno je:

- prihvatila tekst Prijedloga zakona o izmjenama i dopunama Zakona o ravnopravnosti spolova BiH i predlaže Predstavničkom domu njegovo usvajanje;
- za izvjestioca na plenarnoj sjednici imenovala Vinka Zorića, u skladu s članom 113. Poslovnika Predstavničkog doma.

Ad. 3. Razmatranje Godišnjeg izvještaja Vijeća ministara BiH o statusu spolova u BiH za 2008. godinu – nastavak rasprave na osnovu zaključka sa 18. sjednice Komisije

Sekretar Komisije podsjetio je na zaključak s prethodne sjednice, donesen povodom razmatranja Godišnjeg izvještaja, te da je Agencija za ravnopravnost spolova BiH postupila po njemu i dostavila informaciju kojom je naglasila ostvareni napredak u odnosu na raniji period, ukazujući na najznačajnije prepreke i probleme za poboljšanje stanja u oblasti ravnopravnosti spolova.

Otvorena je rasprava pa je nakon toga odlučeno da se Predstavničkom domu dostavi Godišnji izvještaj Vijeća ministara BiH o statusu spolova u BiH za 2008. godinu, Sažetak godišnjeg izvještaja, te dokument Agencije za ravnopravnost spolova BiH: Izvještaj o statusu spolova u BiH za 2008. godinu – osnovni napredak, problemi i preporuke.

Predlaže se da Predstavnički dom obavi raspravu na osnovu navedenih dokumenata, te eventualno podrži preporuke Agencije koje je prihvatila i ova komisija.

Ad. 4. Ostala pitanja

U okviru ove tačke sekretar je upoznao prisutne o toku priprema za tematsku sjednicu: *Obrazovanje i ravnopravnost spolova - analiza zastupljenosti problematike ravnopravnosti spolova u udžbenicima*, što je Komisija primila k znanju i zaključila da se naknadno usaglasi termin održavanja tematske sjednice.

Komisija je upoznata i s pismom sekretara Zajedničke službe kojim obavještava sve komisije o dopisu Misije OSCE-a u BiH koje sadrži spiskove njihovog osoblja koje prati rad komisija, a radi davanja mišljenja.

Komisija je zaključila da nema primjedbi na spisak lica koja će pratiti rad ove komisije.

Na kraju je Komisija upoznata s dokumentom Misije OSCE-a u BiH koji sadrži Izvještaj sa 2. OSCE- ove regionalne konferencije parlamentarki pod nazivom: „Povećanje političke participacije žena u regiji – uticaj političkih, ekonomskih i društvenih faktora”, održane u Sarajevu, 15. i 16. oktobra 2009.

Zaključeno je da se ovaj izvještaj uvrsti u dnevni red jedne od narednih sjednica Komisije.

Nakon što je realiziran dnevni red, sjednica je završena u 13,15 sati.

SEKRETAR KOMISIJE

Davorin Semenik

PREDSJEDAVAJUĆI KOMISIJE

Vinko Zorić